

Aidilfitri komuniti antarabangsa UMP meriah

KUANTAN 11 Julai - Seramai 250 penuntut dan kakitangan antarabangsa Universiti Malaysia Pahang (UMP) menghadiri Majlis Sambutan Aidilfitri 2017 anjuran Pejabat Antarabangsa universiti itu di Dewan Astaka UMP Kampus Gambang, di sini baru-baru ini.

Majlis berkenaan turut dimeriahkan dengan kehadiran Pengarah Jabatan Pengangkutan Jalan (JPJ) negeri, Datuk Mark Ujin dan kakitangan pelbagai agensi seperti Jabatan Imigresen, Majlis Perbandaran Kuantan dan polis.

Pengarah Pejabat Antarabangsa UMP, Prof. Madya Dr. Ainol Hayati Ibrahim berkata, selain juadah hari raya di Malaysia, tetamu berpeluang menikmati hidangan 'menu antarabangsa' termasuk dari Pakistan, Sudan dan Yemen.

Katanya, antara 'menu antarabangsa' yang disediakan ialah Sajian Pakistan iaitu Chicken Karhaci, Chicken Biryani dan Channa Chaat serta Sajian Bangladesh (Jorda, Rosho Golla, Samosa dan Firni).

"Penganjurannya bertujuan merapatkan ikatan persaudaraan selain meraikan kemeriahan Syawal



SEBAHAGIAN pelajar antarabangsa UMP mengambil juadah ketika hadir memeriahkan Majlis Sambutan Raya Aidilfitri di UMP Kampus Gambang, Kuantan, Pahang, baru-baru ini.

dalam kalangan penuntut dan kakitangan antarabangsa.

"Program ini juga dapat dimanfaatkan warga kampus yang berpeluang bertemu dan berkenalan dengan pihak pengurusan penuntut antarabangsa terutama melibatkan urusan visa, pas dan lesen memandu," katanya di sini hari ini.

Sementara itu, seorang penuntut dari Nigeria, Chinonso Ish-

mae Ukaegbu, 24, berkata, tahun ini merupakan kali ketiga dia menyambut Aidilfitri di negara ini.

"Kepelbagaiannya sambutan di Malaysia membuatkan saya kagum. Walaupun jauh dari kampung halaman, saya masih berpeluang meraikan Syawal bersama rakan-rakan," kata penuntut dari Fakulti Sistem Komputer dan Kejuruteraan Perisian UMP itu.